

SABATI	Poukahi	Pouhau	Poukolu	Pouhau	Poulima	Pouono
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

KA MAHINA.

Hapaha hope.....	Mei 8
Mahina hou.....	Mei 15
Hapaha mua.....	Mei 22
Mahina piha.....	Mei 30

HAWAII HOLOMUA

G. CARSON KENYON [Luna Malama Waiwai] Ona.

Mea hoolaha a Lunahoonopono o ka aaoa Haole.

KAHIKINA KELEKONA [J. G. M. SHELDON] Lunahoonopono o ka aaoa Hawaii.

Ma Honolulu nei ko laua wahi noho.

KEENA HOOPUKA—Maluna ae o ka Hale Brening Block, ma Alanui Nuuanu.

HONOLULU, MEI 17, 1893.

NO KAKOU IHO.

O na lono hope loa no ka hooihui aina, aoe makemake nui loa ia, he hooia ia, he keu ia, a ua like no hoi me ko kakou ano o ka hooia loa i ka hooihui aina. He mau wahi kauna wale no kai makemake e hooihui aina, a o ka hapanui iho, he kua loa i ka hooihui aina.

KE KUHINA AMERIKA HOU

Ma kekahi aua mai o ka Ausetaria ua loa mai ka ipe no ka hooihui ia ana o Mr. J. H. BLOUNT maanei, e Peresidena Kilivilana i Elele Kuhina mana piha no Amerika Huipua ma Hawaii nei, ma kahi o Mr. J. L. Kivini waiho mai ana, e like me ka makou i hoolaha mua aku ai. He lono hauoli keia no ka Lahui Hawaii, a he keehina wawae mua hoi no ka hooihui o ka pono a me ka pololei, no ka mea, he kanaka hoonono oia a kaulike, e like me ka hoike a kekahi mau nupepa o Amerika nona. O ka olelo ana o kahi welu Kuokoa, aole e hiki ia Mr. Blount, aole oia mana e hoihoi hou i na pono a pau o ka Moiwahine LILIUOKALANI o na wahi hana ae a pili me ia, ua hoopunipuni loa kela, a ua ike no ua wahi welu ia.

HEAHA AKU KOE?

Ae hoi; na Kuokoa i hoike mai i hoonua ia o Paulo Numana e hoolilo aku i ka nohoalii o Hawaii ia Amerika Huipua no na dala he 20,000, me ka uku hoomau ia o Liliiuokalani. He oiaio nei keia olelo a ka wahabee nui wale, a na wahi kumakaua hooihui sina e kaula nei? Auhea aku ke aloha puni ole o ke Akua ia Hawaii, e pau ai kuhibewa o ka pakaha? Ua hoohe hauoli hou ae nae ua poe nei no Mr. Stevens, e hoomau ia aku ana no ia ma kona kulana; a ma ke ana mai nae o ka mokuahi Ausetaria me ka lono o kona hoopau ia, ia wa ua luheluhe koke iho la na eiaio o ua poe nei a holo pee iho la. Ua mumule loa ko lakou mau wahi i keia wa, a ua maopopo ka hopena o ka lakou mau hana.

HE PANE IA REV. PALEKA.

Ma kekahi Kapule i hala, ua hoololelo o Paleka i ka moololelo o kekahi kaikamahine nani, ana i minamina nui ai i na hana hooihuiina e koma poo ai oia iloko o ka lepo poho o ka waiona a me kekahi mau hana hantia e ae. eka poeka nana i malama iho nei i kona maluhia, a me ka pomaikai nui ina e mare ana oia i ke kane. Ua hoike pokole oia i ka poolole o ke kane.

E olelo ana he kanaka waiwai oia a me ka holomua o kana hana. Nolaila, ua hala ka Paleka hoololelo ma ka Luakini o Kawatahao, a ke hoolaha aku nei au ma na kolamu laia o ka HOLOMUA a me ka Leo o ka Lahui, na luakini e lohe mai ai na hoolaha mai Hawaii a Kauai. E na makamaka, ua ike maka maoli au i keia mau mea e manao ia nei e mare. He oiaio, he kaikamahine alii nani maoli no oia, koke e kulu iho ka meli ma kona mau lehelehe. Ua like hoi kona mau papalina me he pua rose ala i mohala i ke kakahiaka nui, a o ka ea nana oia e hoopuni ana, he oluolu maikai i moehane ole ia e na miliona o na mea ola ubane o ko ke ao nei. A ua kapa ia ka home oia kaikamahine nei, o ka "Paredaiso" o ka moana nui.

Owai keia kaikamahine nani?

O Hawaii no ia, ka makuhine o na kanaka Hawaii, ke kaikamahine alii hoi o ka moana Pakipika.

Owai ke kane i manao ia?

O Amerika Huipua, ko keiki poekela o ka waiwai.

Loaa anei keia waiwai i na kanaka Hawaii ke mare ia o Hawaii me A. H. Aole!

Aole loa, no ka mea, aole o ke kanaka Hawaii ka like o ke kane i manao ia na ka makuhine nani o ke kanaka Hawaii. Ina e ko ana keia mare a Paleka, alaila, e nalo-wale loa ana ke aupuni Hawaii, kahi hoi e hiki ai i ke kanaka Hawaii ke hooihui i kona ike noonoo a me ka ike lima.

Ke kumu nui o ko Paleka makemake no keia mare ana, oia no ka puni ana i na waiwai o ko keia ao nei. He kua nui keia i ka Iosepa kahunapule o Hana hoololelo, e i ana, "Mai hoahu i ka waiwai ma ke ao nei i kahi e pau ai i ka mu a me ka popo." Aka, e hoahu no Paleka.

Kalua. E hai ana o Paleka i kona minamina i ka ononou ia o ke Aupuni Hawaii iloko o ka nanelu poho o ka waiona a me na hana haumia e ae.

E na makamaka. O Amerika Huipua ke kane ana i manao ai, aia malaila he lehulehu o na powa, na aihue, a me na tausani o ka poe e auwana wale ana me ka hana ole. A ua hana hoi kekahi o lakou i na hana ino loa i mea e losa ai keola o ka noho ana.

Ma kahi hooluolu o ke kau ma ka la pule, e ike no oe he nui na hana lealea a pau i malama ia me ke kuai pu ia o ka waiona me he la noa ala. Ua aneane e piha 3,000, 000 o na dala i hoolilo ia e Amerika iloko o ka la hooihui no ka waiona.

Nolaila, ma ke ano hea la o Paleka i marao ai e pakele ana o Hawaii mai ka mana mai o ka waiona a me na hana hewa e ae iloko o Amerika Huipua?

Na Paleka e hai mai i ka haina o keia ninau. Eholu manao nui ma keia hoololelo a Paleka; oia kona manao puni waiwai, manao pabele i ka pono o ke kanaka i mea e losa ai na pomaikai he nui i ka poe hooihui sina, a me kona manao e alakai hewa i kekahi hapa o na kanaka Hawaii i poe hahikahi i ka maluhia o ka la pule, e like me ke ano nui ma Amerika Huipua.

Ua ponoanei keia hana a Paleka? Na ka lahui Hawaii e noonoo iho i

ka haina kupono iloko pakahi o kela a me keia kanaka Hawaii Aloha Aina.

HAWAII PONOI.

AOLE E HOAUHEE IA KA OIAIO, O KA HOOPUNIPUNI KE HOAUHEE IA.

Ua huli pausho ole aku lakou me ka hoomanawanui no ka pomaikai o ka Ekalesia o ke Akua ma ka honua nei, Nana no nae i kokua mai, oia ka mea i loa ai ke kolohe a puka a maka ia i lohe oe e kuu hoo o ka pono o ka Haku.

Ua lohe o J. Alapai, ua hele aku o J. Waiaman ma ka halekuai kuka o David & Co. me ka Palapala Komite Ohi Dala o Kaumakapili, ua haawi mai o David & Co. ia J. Waiaman no ka Luakini o Kaumakapili, iloko paha o Okatoba 1892. he kanalima dala no ka Luakini o ke Akua, eia nae aole i hoihoi ia ma ka lima o ka Pouku, a hiki wale i ka wa i ninau maoli aku ai o J. Alapai ke Komite ia Waiaman i kela mau dala a David, ua hoole koke mai o Waiaman, aole dala iaia aia no ia David kana dala kahi i paa ai. O keia ka mea o ka hoopunipuni ana o ke kaunapule. No keia hoole ana o Waiaman, ua hele kino aku o Alapai ia David & Co., ua haawi o David & Co. ia Alapai i ka Likiki a Waiaman i kakau ai i kona inoa.

E hooia mai ana hoi ua loa io no na dala he kanalima ia Waiakemimo (Waiaman) mai a David mai, no tulu hanahana wahi a ke Kepani.

Nolaila, ua lawe mai o Alapai i ka likiki iloko o ka luakini a hoi-ke aku la ia Naukana, a nana hoi i kaha aku ia Waiakemimo me ka hoike pu aku i ka likiki ana no i kakau ai me kona lima pono, a akahi no a ae mai ia loa iaia ke dala, ma ka ninau mua ana nae a Alapai, ua hoole, nolaila, elua hoopunipuni. Ka mea a Paulo i hooakaka ai ma ke Kauoha Hou.

Nolaila, ninau hou aku la no o Alapai i kela mau dala, ua olelo koke aku o Waiaman ua hoihoi ia ia P. C. Jones e malama ai. I ka pau ana o ka Aha Luna, ua hele o Alapai e ninau ia P. C. Jones no kela mau dala a Waiaman i olelo aku ai imua o na komite o ka Aha Luna, ia Alapai, Naukana a me Keau. I ka hiki ana aku o Alapai imua o P. C. Jones, ua ninau aku o Alapai no na dala a Waiaman i haawi aku ai, ua hoole mai o P. C. Jones aole dala a Waiaman i haawi aku iaia. Ke ike pu ae la no kakou i keia mau hana a ke kahunapule ane i Iosepa e pai mai nei. Ua like no ko kahunapule me ka manu Elepaio au no i hooihui mai ai i ke kakani wale iho no o kanaka aole mea e loa, pela no ko kahunapule, ke hoololelo nei oia aia ke Akua i ka Lani a e malama i kona mau kanawai; like loa me ka manu Elepaio, holo ka lio, holo ka lio, eia nae aole holo o ka Elepaio maluna o ka lio, pela no o Waiaman, no ka mea, ua olelo o Waiaman aia ke Akua i ka Lani a iaia kakou e hili-ina aku ai, o ka waha kai olelo i ka olelo a ke Akua, o ka naau ua piha i ka huawiliwili o ka hoopunipuni, ua hoomanawanui no ke komite i ke kali ahonui ana. Iloko nae oia wa ua hoomanawa aku la ke akule noho mai la i ka hohonu, pau ae la ke kokeke ana mai o Waiaman ia Alapai ma.

Aole i pau.

E holo hoomaha ana ka Boetons no Lahaina i keia pule ae, no ka hoopau ana i ka laau o na au o kona mau keiki, a me ka hooma-maa kikipu ana kekahi.

MAI PUNI.

E oluolu kou ahonui e Lunahoonopono e hoolaha ae i ke ake, aia ma ka nupepa Kuokoa o ka la 6 o Mei, 1893, aao elua, ua hoolaha nana ke poomanao—"Kuhibewa" A maloko o laila e olelo ana imua o ke ake, na'u i hana ia hoolaha e pili ana iko'u kakauina ana no na mea pili i ka hooihuiina me Amerika Huipua a me ke aloha aina. Nolaila, ke hoike aku nei au i ke ake aole i pololei kela hoolaha ana, aole no hoi au i hana a kakauina malalo o kela hoolaha a hoonua i ka nupepa Kuokoa.

A ke hoole, a ke hoole mau loa aku nei au i na mea a pau i oleloia ma kela hoolaha.

Owai no me ka oiaio.

MRS. MAULE.

Wahee, Maui, Mei 13, 1893.

UA HALA KUU MEA ALOHA.

Ua hala i ke ala hoi ole mai o J. M. Nawaaholo, ma Kalaupapa, Molokai, a ua pauhoo mai la i keia ala ana ma ke ahiahi Poalima, la 21 o Aper. 1893. Ua hanau ia oia ma Ualapue, Molokai, na Mr. Kamauoha a me Mrs. Hoopaluhuli Kamauoha, oia a me kona tauu mua. Ua mare ia maua ma Wailuku e Rev. W. P. Kahale. No ka nui o ko'u aloha nona, ke haku nei au i kanikau oia keia malalo iho nei:

HE KANIKAU NO MR. J. M. NAWAAHOLO.

He kanikau aloha keia nou e Nawaaholo

Kuu kane mai ka makani kilioopu o Waiehe,

Aloha ka makani kaulana o ka aina

Oia makani wehe mai i ka poli me he ipo la

Kuu kane mai ka aina kuahiwilua

Elua no kaua i ka hale kaupoku ole

Hookahi no kaupoku o ka lau o ka laau

Auwe ka mea aloha o ke kane ua hala—e

Kuu kane mai ka ia onini mai i ka ili o ke kai me he makani la

A nui ka mama loa ia ia Aloha ai ke kupa o ka aina

Kuu kane mai ka uka anu o Wailua

Mai ka wai hoihoi la-i o Eleile

He wai makaikai na ka malihini

Auwe kuu kane, kuu kane hoi—e.

Kuu kane mai ka aina huli i ka makani

Mai ka ua kualau hele ma ka moana

Mai ka punohu ula ku iho la i ke kai

Akahi la a ke aloha i hiki mai ai

Ke hanini nei ka waimaka puluelo wau

Auwe kuu kane, kuu kane hoi—e.

Kuu kane mai ka ua hoeha ili o Waiehu

Oia ua haahoe mai i ka luna o Wailaahia

Laahia Wahikuli he kiowai na ka ua

Kuu kane mai ka makani Kashaahala o Niuu

Auwe kuu kane, kuu kane hoi—e.

Kuu kane mai ka iho o ka lio

Mai ka malu Hekuaawa o Wailuku

Mai ka piha kanaka o ka makeke

Kuu kane mai ka makani kololio o Waikapu

Mai ka lepo ula o Maalea i ke kai

Auwe kuu kane, kuu kane hoi—e.

Kuu kane mai na ale o Alenuihaha

Mai ka makani Apaapa o Kohala

Kuu kane mai ka piha kanaka o Kaiopihii

Aloha ia wahi a kua i pili ai

Kuu kane mai Kauakanihewa o Hilo

Oia ua kahiko mai iluna o ka lehua

Ke nihi hele ae la mauka o Hilo

Taona

Auwe kuu kane, kuu kane hoi—e.

Kuu kane i ka ulu ohia loloa o Pa-naewa

Mai ka lehua ula i ka pahoeheoe

Aloha na lehua o Mokaulele i ke kula

Aloha ka makani he Puulena

E halihali mai ana i ka ukana o ke ala

Auwe kuu kane, kuu kane hoi—e.

Aole i pau.

KO KAKOU MOOLELO.

Ka hana ia ana o ke Kanaka mua o ke ao nei e ke Akua a me ka Wahine makamua, na Mea Elua i hana lima ia e na Mea like Ekolu, na laua i hoolaha mai na lahuikanaka o ka honua. Pela ka mahele ia ana o na ano kanaka a pau e like me ko ke Akua makemake.

16. Olelo o Kumuhonuaiakea iaia iho, e hoonoho au i alii malalo aku o Kane, no ka honua me na wahi a pau o ka honua. Kapa aku o Kumuhonuaiakea, o oe o Kane lu honua, e malama oe i ka honua, malalo o Kane ke poo o na Kane, e hoopaa ia ko oukou pule hui i mea e pono ai ke ao hoolookoa.

Kane i kahiki ku

Kane i kahikimoe

Kane i ka apaapa nuu

Kane i ka apaapa lani

Ike ae la o Kane lu honua ua maikai ka haawi ia ana o ia wahi nona, ua hooponopono iho la oia i na anela a pau o ka honua i mea e maikai ai ko lakou noho ana malalo aku o Kane. Pela hoi i hoonoho ia ai ka papa pule he nui loa e pili ana ma ke kulana Kane.

17. E hoomanao mau ana o Kumuhonuaiakea no na hana hoonohonoho alii maluna o ka aina a me ka lewa, i maopopo ai na anela e noho ana malalo o ko lakou mau haku. Ua hoonoho ae la oia ia Kaneikawaiola i alii maluna o na wai o ka honua i mea e pono ai na ohana o ka honua. Olelo iho la o Kaneikawaiola, e hana au i pule no'u i pono ai na ohana o ka honua a i loa ai ko'u pule i na mea a pau.

E hoi ke 'Ili e noho i ka opua

Hoi i ka lani o Kaneikawaiola

[ola

Hoi e noho i ke kapu o lakou

Hoanoano ke kapu ia Kaneika-

[waieola.

Ua ike maoli iho la o Kaneikawaiola i ka holopono o kana mea i hana ai, e pili ana no kua noho hoomalu ana no na anela, pela no hoi i mau ai ka lakou mau hana mana a hiki i ka la i hana ia ai o ke kanaka makamua e Kumuhonuaiakea, ke akua nui maluna o lakou. Ua hui lakou ma ka papa like ole o ke Akua.

18. Mamua o ka hoonohonoho alii a Kumuhonuaiakea maluna o na anela. Pela no oia i hoonoho ai i alii maluna o ka make, ke hiki mai i ka la hope o ke kamaka, ua hoonoho ia o Milu a me Wakea. o laua na alii o ka luhuna o ka po, o Uli ke akua o ka toe pono a me ka poe hewa, no Uli ka pule i helu ia he mau haneri.

Hookumu ka lani alii ia Uli

Ka lani alii a Uli i hana

Hanau ke alii o Uli wahine

Loaa o kaiko o ka moku.

E huki ana o Paooa a wela, e lawe ana o Kapuuholo a pohiunui, ma ke ahiahi Poaha ae nei.

Ke kanoha ia aku nei na Luna Nupepa o ka HAWAII HOLOMUA a puni ka Paeeina, e hoomanao mai i ko lakou koena aie i ka kakou nupepa, oia ke kokekema nei ka malama hope o ka hapa makakihii mua e pau ana i Iune 30. O ka hoolobe ka mea e hoomau ia aku ai ka hoonua ia aku o ka pepa a o ka hooihui ka nele.

MA KE KAHOA.